

Alkitab Buat Bocah Nampilin



Rut: Cerita
Cinta



Nyeng nulis: Edward Hughes

Nyeng bikin gambar: Janie Forest
Alastair Paterson

Nyeng nyocokin: Lyn Doerksen

Nyeng terjemahin: Matheus Nalih Ungin

Dibikin buat: Bible for Children
www.M1914.org

©2023 Bible for Children, Inc.

Perijinan: Enté boleh ngegandain atau nyetak ini cerita,
selama enté kagak ngejualnya.





Kalo kamu bisa ketemu sama engkong buyutmu,
bapa dari engkong buyutmu, bapa dari bapa engkong
buyutmu, dan semua orang nyeng ada sebelon kamu
ada dalem keluargamu, bisa jadi kamu bakalan kaget

oleh sebab baenya orang-orang itu.

Dalem Alkitab salah seorang nene
buyut Yesus yaitu Ruth-orang Moab
nyeng nyembah berhala.



Cerita soal Ruth mulainnya di Israel sudahnya jaman Samson, pas jamaah Tuhan brenti percaya ama nurutin Tuhan. Kelaparan nyerang tanah Israel. Kamu tau enggak kelaparan itu apa? Bener banget! Kelaparan itu pas kaga ada buah sama sekali atawa taneman nyeng tumbuh ama binatang dan bisa juga manusia mati karena lapar.



Seorang lelaki, Elimelekh, pegih ninggalin Bethlehem ama bini sama dua bocah laki-lakinya, pegih nyari makanan. Dia pegih ke Moab, satu negara nyeng orang-orangnya pada nyembah berhala.



Semuanya
kaga bejalan
mulus buat Elimelekh ama keluarganya di
Moab. Dia mati diikutin dua anak laki-lakinya.



Bininya Naomi, ditinggalin ama kedua
orang bini anaknya, Rut ama Orpa.
Dua perempuan ini dari Moab.



Naomi, jadi janda, ngedenger kalo Tuhan udah nemuin jamaahNya dan ngasih makanan ama mereka.

Dia mutusin buat balik lagi ke tempat kelahirannya. Tapi apa nyeng bakal dikerjain ama dua perempuan bini anak-anaknya itu? Naomi ngusulin supaya mereka tetep tinggal di Moab dan nikah lagi.



Orpa balik lagi ama keluarganya. Tapi Ruth nolak. Malahan Ruth ngebacain satu sajak nyeng indah nyeng ngejanjiin kalo dia kaga bakalan ninggalin mertuanya.






Temen-temen lamanya Naomi seneng bangat ngeliat dia balik lagi ke Yerusalem. Tapi dia minta mereka buat manggil dia Mara (pait) ketimbang Naomi (nyenengin). "Sebab nyeng Maha Kuasa udah ngerjain banyak hal nyeng pait buatku." Naomi pulang kaga bawa apa-apa pisan, cuman Rut doang.





Meski Ruth nyembah berhala kaya orang Moab umumnya, dia bebalik darinya buat nyembah Tuhan Allah nyeng idup Allah Israel. Ruth begawenya rajin, buat mastiin kalo Naomi dapet makanan nyeng cukup. Saban ari dia ngikutin tukang-tukang ngarit di kebon dan ngambilin tangklean-tangklean gandum nyeng ketinggalan.





Boas, nyeng punya kebon
ngedenger bae bangat
Ruth ama ibu mertuanya.
Pas dia ketemu Ruth,
Boas nulungin dia dan
nyuruh pegawe-
pegawenya supaya
ninggalin beberapa cekel
gandum. Boas mulain
jatoh ati ama Ruth.





Pas Ruth bilang
sama Naomi soal
Boas ama baenya
dia, perempuan
tua itu muji-muji
Allah. "Orang
itu masih baraya
kita, salah satu
baraya kita
nyeng paling
deket."





Ruth dan ngerawat tanah keluarga. Tapi ada keluarga laen nyeng lebih deket merekalah nyeng jadi pilihan pertama. Orang ini pengen tanahnya tapi kaga pengen ngejadiin Ruth jadi bininya. Hukum di sono negesin dia kaga bisa ngedapetin satu tapi kaga pengen nyeng laen.

Waktu terus beputer, Boas pengen nikahin




Pada masa itu, orang kaga salam-salamana buat ngelarin satu kesepakatan. Boas ngelepas sebelah sendalnya dan blak-blakan dia ngasih sendal itu sama orang laen. Persoalan itu udah kelar. Ruth bakalan jadi bininya Boas. Sekarang dia sama Naomi jadi bagian keluarga Boas.



Anak paling tua Boas
ama Ruth namanya
Obed. Dia itu
engkongnya Daud.
Raja gede di Israel.



Tapi nyeng lebih heran lagi, oroknya Obed itu engkong buyutnya dari Tuhan Yesus Kristus. Yesus dateng lewat garis keturunan Daud buat jadi Raja atas semua raja ama Juruselamet dunia.



Rut: Cerita Cinta

Sebuah cerita dari perkataannya Tuhan, Alkitab

Ditemuin di

Kitab Ruth

"Palang pintu Firman Engkau ngasih terang."
Mazmur 119:130





Tamat



Ini cerita Alkitab nyeng nyeritain kita soal Tuhan kita nyeng kerén, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang bangat sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berubah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

